

Član 4.

U tekuću rezervu Budžeta Općine Centar Sarajevo izdvaja se 1,83% prihoda 2018. godine (bez vlastitih prihoda, namjenskih prihoda i primitaka) što iznosi KM 210.000.

Sredstva tekuće rezerve koristiti će se za potrebe koje nisu predviđene Budžetom ili su predviđene u nedovoljnom iznosu.

Član 5.

Način izvršavanja Budžeta Općine Centar Sarajevo za 2018. godinu, upravljanje prihodima, primicima i izdacima Budžeta, raspolaganje sredstvima tekućih i kapitalnih transfera, te prava i obaveze korisnika Budžetskih sredstava utvrđuju se Odlukom o izvršavanju Budžeta Općine Centar Sarajevo za 2018. godinu koju donosi Općinsko vijeće.

Član 6.

Izmjene i dopune Budžeta Općine Centar Sarajevo za 2018. godinu stupaju na snagu narednog dana od dana objave na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-14-4248/18
25. oktobra 2018. godine
Sarajevo

Predsjedavajuća
Općinskog vijeća
Centar Sarajevo
Karolina Karačić, s. r.

Objavljeno na oglasnoj ploči Općine Centar Sarajevo dana 31.10.2018. godine.

Na osnovu člana 8. stav 3. tačka 31. i 37. Zakona o principima lokalne samouprave ("Službene novine Federacije BiH", broj 49/06 i 51/09), člana 10. stav 1. tačka 2. Statuta općine Centar Sarajevo ("Službene novine Kantona Sarajevo" 23/04), a u vezi sa Zakonom o zaštiti i dobrobiti životinja ("Službeni glasnik BiH", broj 25/09), Pravilnikom o držanju opasnih životinja ("Službeni glasnik BiH", broj 27/10), Zakonom o veterinarstvu Federacije BiH ("Službene novine Federacije BiH", broj 46/00), Zakonom o komunalnim djelatnostima ("Službene novine Kantona Sarajevo", broj 31/04), Zakonom o prekršajima protiv javnog reda i mira ("Službene novine Kantona Sarajevo", broj 18/07 i 7/08), Općinsko vijeće Centar Sarajevo je, na 29. redovnoj sjednici održanoj dana 25.10.2018. godine, donijelo

ODLUKU

**O USLOVIMA I NAČINU DRŽANJA KUĆNIH
LJUBIMACA I NAČINU POSTUPANJA S NAPUŠTENIM
I IZGUBLJENIM ŽIVOTINJAMA**

DIO PRVI

OPŠTE ODREDBE

Predmet odluke

Član 1.

Ovom se Odlukom uređuju minimalni uslovi i način držanja kućnih ljubimaca, registracija, uslovi kretanja kućnih ljubimaca, naročito pasa i mačaka u javnim objektima i na javnim površinama, koje im njihovi posjednici moraju osigurati radi zaštite životinja i ljudi koji sa njima dolaze u dodir, način kontrole njihovog razmnožavanja, te način postupanja s napuštenim i izgubljenim životinjama na području Općine Centar Sarajevo.

Ova odluka se ne primjenjuje na službene i radne životinje iz člana 2. ove Odluke.

Pojmovi

Član 2.

Pojedini pojmovi u ovoj Odluci imaju sljedeće značenje:

1. kućni ljubimci su životinje koje čovjek drži zbog društva, zaštite i pomoći ili zbog zanimanja za te životinje
2. napuštena životinja je životinja koju je vlasnik svjesno napustio, kao i životinja koju je napustio zbog više sile kao što su bolest, smrt ili gubitak slobode.

3. izgubljena životinja je životinja koja je odlutala od vlasnika i on je traži.
4. opasne životinje su životinje koje zbog neodgovarajućih uslova držanja i postupanja s njima mogu ugroziti zdravlje i sigurnost ljudi i životinja, te koje pokazuju napadačko ponašanje prema čovjeku
5. imalac/posjednik životinje odnosno kućnog ljubimca je svako pravno ili fizičko lice koje je kao vlasnik, korisnik ili čuvar neposredno, stalno ili privremeno odgovorno za zdravlje i dobrobit životinje
 - a) vlasnik životinje,
 - b) odgovorno ili zaduženo lice za životinju
6. pas litalica je svaki pas koji nije pod izravnom kontrolom vlasnika ili ga se ne sprečava u lutanju, što može uključivati i napuštenog/izgubljenog psa. U ovu kategoriju se svrstavaju psi koji:
 - a) imaju vlasnika, ali ipak slobodno lutaju i nisu pod kontrolom imaoa ili pod ograničenjem kroz određeno vrijeme,
 - b) psi koji slobodno lutaju i nemaju vlasnika,
 - c) divlji psi koji su u stvari domaći psi koji su se vratili u divlje stanje i više nisu direktno ovisni o ljudima što se tiče uspješnog razmnožavanja.
7. higijenski servis je služba za prikupljanje napuštenih, izgubljenih i životinja bez vlasnika-litalice, i predaje ih u sklonište za životinje
8. radne životinje su psi koji služe kao tjelesni čuvari i čuvari imovine, psi vodiči slijepih i oni koji služe za pomoć, psi tragači i psi koji služe za obavljanje drugih poslova
9. sklonište za životinje (u daljnjem tekstu: sklonište) je objekat u kojem se smještaju i zbrinjavaju napuštene i izgubljene životinje gdje im se osigurava čuvanje i pomoć.
10. službene životinje su životinje koje imaju licencu za rad i služe za obavljanje poslova pojedinih državnih tijela
11. veterinarske organizacije u skladu sa Zakonom o veterinarstvu Federacije BiH ("Službene novine Federacije BiH", broj 46/00) su: veterinarske stanice, veterinarske klinike, apoteke kao i samostalna veterinarska praksa
12. Dvorište je preostali dio građevinske parcele, ograđen ili neograđen, koji pripada stambenoj zgradi, porodičnoj kući ili većem broju porodičnih kuća.
13. Javne površine su: javne saobraćajne površine, javne zelene površine, površine oko objekta javne namjene i neizgrađeno građevinsko zemljište namijenjeno za uređenje ili izgradnju objekata javne namjene ili javne površine i površine koje planskim dokumentom nisu određene kao površine javne namjene, a dostupne su većem broju građana, kao što su izgrađene i uređene saobraćajne i zelene površine unutar i između blokova zgrada, između zgrada, unutar otvorenih tržnih centara, groblja, dječja igrališta, cvjetnjaci, neograđeni sportski tereni, te neograđena dvorišta škola i vrtića, pasaži i sl.

DIO DRUGI

USLOVI I NAČIN DRŽANJA KUĆNIH LJUBIMACA

Opšti uslovi držanja kućnih ljubimaca

Član 3.

Imalac kućnog ljubimca je dužan:

1. osigurati kućnim ljubimcima držanje u skladu s njihovim potrebama, a minimalno predviđenim Zakonom o zaštiti i dobrobiti životinja ("Službeni glasnik BiH", broj 25/09), drugim propisima i ovom Odlukom,
2. kućnim ljubimcima osigurati prostor koji odgovara njihovoj veličini, zaštitu od vremenskih neprilika i drugih nepovoljnih uticaja okoline, u skladu sa odredbama Pravilnika o zaštiti pasa koji se drže kao kućni ljubimci ("Službeni glasnik BiH", broj 18/12),

3. označiti mikročipom pse i vakcinisati protiv bjesnila u skladu sa Zakonom o veterinarstvu Federacije BiH,
4. označiti mikročipom pse i vakcinisati protiv bjesnila u skladu sa posebnim propisima iz oblasti veterinarstva, zaštite dobrobiti i zdravlja životinja.
5. pravodobno zatražiti veterinarsku pomoć, te osigurati zbrinjavanje i odgovarajuću njegu bolesnih i ozlijeđenih životinja,
6. osigurati kućnim ljubimcima redovnu i pravilnu ishranu, te trajno omogućiti pristup svježoj pitkoj vodi,
7. redovno održavati čistim prostor u kojem borave kućni ljubimci.

Imalac ne smije:

1. zanemarivati kućne ljubimce s obzirom na njihovo zdravlje, smještaj, ishranu i njegu,
2. ograničavati kretanje kućnim ljubimcima na način koji mu uzrokuje bol, patnju, ozljede ili strah.

Zabranjeno je:

1. bacanje petardi ili drugih pirotehničkih sredstava na životinje;
2. trčanje životinja u frekventnim ulicama i nepogodnim podlogama privezanih uz motorno vozilo koje je u pokretu i na većim razdaljinama duži vremenski period.
3. držati pse trajno vezane ili ih trajno držati u prostorima ili dijelu dvorišta bez osiguranja dovoljno kretanja i kontakta sa imaoce, vezati pse, osim privremeno u iznimnim situacijama kada ograđivanje dijela dvorišta nije izvodivo. U tom slučaju pas se može vezati na način da mu je omogućeno kretanje u promjeru 5 metara, a sredstvo vezanja i ogrlica moraju biti od takvog materijala da psu ne nanose bol ili ozljede,
4. trajno i samostalno držanje kućnih ljubimaca na adresi različitoj od prebivališta ili boravišta posjednika, osim u slučaju kada se radi o radnim psima koji čuvaju neki objekat ili imovinu, a posjednik im je dužan osigurati svakodnevni nadzor,
5. držati kao kućne ljubimce opasne i potencijalno opasne životinjske vrste utvrđene u Popisu opasnih i potencijalno opasnih životinjskih vrsta, kako je to regulisano Pravilnikom o držanju opasnih životinja ("Službeni glasnik BiH", broj 27/10).
6. postupati u suprotnosti sa zabranama iz člana 4. Zakona o zaštiti dobrobiti životinja ("Službeni glasnik BiH", broj 25/09), životinju bez opravdanog razloga ubiti, nanositi joj bol, patnju i štetu, mučiti je i namjerno izlagati stresu i strahu.

Član 4.

Imalac pasa mora odgovarajućim odgojem i/ili školovanjem ili drugim mjerama u odnosu na držanje i kretanje pasa osigurati da životinja nije opasna za okolinu i ne narušava javni red i mir. Pri odgoju pasa imalac ne smije koristiti metode koje kod pasa mogu uzrokovati bol, ozljede, patnje ili strah.

Uslovi držanja kućnih ljubimaca u stambenim zgradama i obiteljskim kućama.

Član 5.

Držanje kućnih ljubimaca u zajedničkim prostorijama zgrada i dvorištima zgrada, kretanje kućnih ljubimaca zajedničkim dijelovima zgrada i dvorištima zgrada, te obavezu čišćenja tih prostorija i prostora koje onečišće kućni ljubimci sporazumno utvrđuju suvlasnici zgrade, zajedno sa predstavnikom etažnih vlasnika i upraviteljem zgrade, u skladu sa propisima o vlasništvu.

Imalac kućnih ljubimaca dužan je držati ih na način da ne ometaju mir sustanara ili na drugi način krše propisani kućni red stambene zgrade i stanara okolnih nekretnina. Držanjem kućnih ljubimaca ne smije biti ugrožena sigurnost građana, njihove imovine i drugih životinja.

Član 6.

U objektima i zgradama kolektivnog stanovanja, porodičnoj kući, vrtu ili sličnom zemljištu jedno domaćinstvo može držati najviše dva psa i dvije mačke.

Član 7.

Držanje kućnih ljubimaca u zajedničkim prostorijama zgrade (perionica, sušionica rublja, prostorija za rad organa upravljanja zgradom, prostor za smještaj opreme za tekuće održavanje) moguće je samo uz prethodno pribavljenu saglasnost etažnih vlasnika stambene zgrade. Održavanje i čišćenje tih prostorija zajednički utvrđuju predstavnik etažnih vlasnika i upravitelj zgrade.

Imalac kućnog ljubimca dužan je brinuti o čistoći zajedničkih prostorija u kojim se kreću kućni ljubimci, te odmah očistiti ili oprati površinu, koju je njegov kućni ljubimac na bilo koji način onečistio (hodnici, zajedničke terase, liftovi, podrumski i tavanski prostor).

Član 8.

U objektima i zgradama kolektivnog stanovanja, zabranjeno je držanje pasa i mačaka i ostavljanje istih bez nadzora držaoca na balkonu, terasi i lodi koja pripada stanu. U slučaju odsutnosti, držalac je dužan osigurati nadzor i brigu punoljetne osobe za svog kućnog ljubimca u skladu sa njegovim potrebama.

Posjednik koji psa drži u stanu ili kući bez okućnice, dužan ga je svakodnevno izvoditi radi obavljanja nužde i zadovoljenja dnevnih fizičkih aktivnosti.

Član 9.

Uvođenje psa ili mačke u lift stambene zgrade, dozvoljeno je samo ako je lift prazan. Prilikom korištenja lifta, stepeništa i hodnika stambene zgrade, pas mora biti na povodcu pod neposrednom kontrolom imaoa i obavezno sa brnjicom za visoke i srednje pasmine pasa.

Član 10.

Imalac psa koji učestalom i dugotrajnim lajanjem, zavijanjem ili grebanjem remeti mir, dužan je odmah preduzeti odgovarajuće mjere kako bi spriječio daljnje uznemiravanje ili ukloniti psa, u skladu sa odredbama Zakona o prekršajima protiv javnog reda i mira, a koji se odnosi na stav o proizvođenju neadekvatne buke.

Član 11.

Psi se mogu držati u dvorištu porodične kuće, zajedničkom dvorištu porodične kuće i u dvorištu sa većim brojem porodičnih kuća u posebnom objektu, po prethodno pribavljenoj saglasnosti svih suvlasnika porodične kuće, odnosno saglasnosti svih vlasnika porodičnih kuća.

Ukoliko se pas drži u ograđenom prostoru za psa ili u kućici za psa, smještaj kućice ili ograđenog prostora treba biti takav da ne ugrožava/ometa stanovanje u susjednom dvorištu.

Objekat za držanje psa iz prethodnog stava ovog člana, mora biti udaljen najmanje 5 (pet) metara od najbliže stambene zgrade ili poslovnog objekta na susjednoj parceli, odnosno da ne ugrožava/ometa stanovanje u susjednom dvorištu.

Član 12.

Pas koji se drži u ograđenom dvorištu ili drugom zemljištu ne mora biti vezan ukoliko ograda svojom visinom i čvrstoćom osigurava sigurnost prolaznika i susjeda. Ulazna kapija dvorišta stambene zgrade ili zgrada, u kome se drži pas, mora biti vidno označena tablom sa crtežom i natpisom koji ukazuje na prisustvo psa i mora imati ispravno zvono na ulaznim dvorišnim ili vrtnim vratima.

Pas koji se drži u neograđenom dvorištu, mora biti sigurno vezan, na način da ne ometa kretanje i sigurnost građana i mora biti smješten u boks koji će osigurati da se životinja neće moći samostalno udaljiti.

Pas se može vezati oko vrata ogrlicom ili kaišem koji se ne usijeca u kožu i koji neće dovesti do povreda životinje.

Imalac psa smije privremeno vezati psa na remen ne kraći od 3 metra, ili trostruke dužine psa, ovisno o tome što je povoljnije za psa dok se dvorišni prostor ne ogradi na adekvatan način.

Član 13.

Imalac kućnog ljubimca, koji se o njemu ne može više brinuti u skladu sa obavezama iz člana 3. ove Odluke, dužan je pronaći udomitelja; udruženje ili osobu koja će o njemu brinuti na propisan način ili ga predati u sklonište za životinje, koga u skladu sa Zakonom osnuje fizička ili pravna osoba, te je dužan snositi troškove boravka do udomljenja ili drugog načina zbrinjavanja životinje. Udomitelj može biti punoljetno lice i kao dokaz mora priložiti ličnu kartu, i uz potpis izjave kojom preuzima obaveze prema životinji. Udomljavati se mogu životinje prema propisanim kriterijima i uz prethodno provedene mjere nadležne veterinarske organizacije.

Zabranjuje se eutanazija zdravih životinja.

Uslovi izvođenja kućnih ljubimaca na javne površine

Član 14.

Kućni ljubimci se mogu izvoditi na javne određene površine na povodcu i pod nadzorom imaoa.

Na zahtjev ovlaštenog organa, nadležnog inspektora ili policajca, imalac ljubimca je dužan obezbijediti i dostaviti na uvid dokumenta propisana ovom Odlukom o držanju kućnih ljubimaca.

Član 15.

Imalac kućnog ljubimca dužan je pri svakom izvođenju na javnu površinu Općine Centar Sarajevo nositi pribor za čišćenje fekalija i u slučaju da dode do onečišćenja, obavezan je odmah i bez odlaganja isprljalu površinu očistiti i otpad odložiti na predviđeni način i na mjesto određeno za odlaganje ovakvog otpada.

O postavljanju i održavanju opreme za odlaganje fekalija kućnih ljubimaca na javnim površinama, stara se javno komunalno preduzeće odnosno privredno društvo kome je povjereno obavljanje djelatnosti održavanja čistoće.

Troškove postavljanja i održavanja opreme obezbjeđuju se iz budžeta Općine Centar, o čemu će se sačiniti poseban sporazum sa davaocem usluge.

Član 16.

Imalac, kao i lice koje izvodi agresivnog psa ili psa iz kinološke klasifikacije velikih pasa, dužan je psa voditi na povodcu i obavezno sa brnjicom.

Član 17.

Psi iz pasmine srednjih i malih pasa ili štenad do 3 mjeseca starosti, mogu se izvoditi na povodcu bez brnjice, uz uslov da neće ometati prolaznike, djecu, i druge životinje i ugroziti njihovu sigurnost. Imalac kućnog ljubimca snosi punu odgovornost za njegovo ponašanje na javnoj površini.

Član 18.

Pas može biti pušten da se slobodno kreće samo u parku na drugoj zelenoj površini koja je određena za neograničeno i slobodno kretanje pasa (u daljem tekstu: "park za pse"). Parkovi i zelene površine za ovu namjenu će usaglasiti nadležna služba općinskog organa uprave u saradnji sa organom Mjesne zajednice uz saglasnost KJKP "Park" d.o.o. Sarajevo.

Prostor i vrijeme kretanja kućnih ljubimaca u parku će se definisati Elaboratom, koji je sastavni dio ove Odluke. Elaboratom će se definisati i ostala pitanja kao što su: postavljanje vidnih oznaka upozorenja, ograničenja kretanja i radnji koje se mogu/ne mogu obavljati u parku, postavljanje opreme za odlaganje fekalnog otpada u parku, status parka u smislu ograđen/neograđen i dr.

Član 19.

Park za pse uređuje i održava KJKP "Park" d.o.o. Sarajevo. Finansijska sredstva za uspostavljanje, obilježavanje i održavanje higijene u parkovima za pse će obezbijediti Općina Centar Sarajevo iz budžeta, u skladu sa sporazumom sa davaocem usluga.

Član 20.

Kretanje kućnih ljubimaca dopušteno je u prostorima i prostorijama javne namjene uz dopuštenje vlasnika, odnosno korisnika prostora. Vlasnici odnosno korisnici objekata su dužni na vidnom mjestu istaknuti obavještenje o slobodnom uvođenju, odnosno zabrani uvođenja pasa i mačaka u objekat.

Zabranjeno je uvoditi pse i mačke u:

- objekte koje koriste organi državne uprave i lokalne samouprave,
- objekte i prostorije za zdravstvenu zaštitu građana,
- objekte i prostore u kojim se obavlja vaspitno-obrazovna djelatnost i obezbjeđuje smještaj, boravak i ishrana djece, učenika i studenata,
- objekte za proizvodnju, smještaj i promet lijekova,
- objekte za proizvodnju, smještaj i promet životnih namirnica,
- vjerske objekte,
- sredstva javnog prevoza,
- javne komunalne objekte kao što su: tržnice i pijace, groblja, cvjetnjaci, spomen obilježja,
- sportske objekte, na javne skupove, kao i druga javna mjesta na kojim se održavaju različite manifestacije,
- ograđeno ili neograđeno dječje igralište, ograđeni ili neograđeni sportski tereni, dvorišta škola i vrtića,
- ugostiteljske objekte, osim hotela koji imaju uređene prostore za smještaj pasa i mačaka.

DIO TREĆI

REGISTRACIJA KUĆNIH LJUBIMACA

Član 21.

Organizaciju registracije kućnih ljubimaca vrši stručni organ veterinarske službe Općine Centar u saradnji sa Kantonalnom veterinarskom stanicom.

Registracijom u smislu ovog člana, podrazumijeva se obavezno označavanje mikročipom, upis u propisane evidencije, registar, izdavanje službene isprave o upisu, identifikaciji i registraciji psa, vlasništvu te obaveznim mjerama zaštite zdravlja u skladu sa posebnim propisima.

Troškove upisa, obaveznog označavanja i izdavanja službenih isprava snosi vlasnik. Nadležna služba općine će razviti različite oblike kampanje prikupljanja podataka o broju vlasničkih pasa, sačiniti spiskove i dostaviti nadležnoj veterinarskoj organizaciji, nakon čega će svi imaoći pasa biti obavezni da pse registruju i mikročipuju.

Zabranjeno je uklanjanje mikročipa, osim u slučaju ako za to postoji opravdani zdravstveni razlog.

Član 22.

Imalac kućnog ljubimca je dužan registrirati životinju u roku od 7 (sedam) dana od dana sticanja vlasništva, u veterinarskoj organizaciji koja vodi registar životinja.

Imalac kućnog ljubimca je dužan u roku od 7 (sedam) dana prijaviti otuđenje, uginuće u cilju utvrđivanja uzroka smrti ili nestalog kućnog ljubimca, kao i svaku drugu promjenu o statusu životinje, rođenje (leglo), nadležnoj veterinarskoj organizaciji koja vodi registar kućnih ljubimaca.

Član 23.

Za troškove upisa kućnih ljubimaca, obaveznog označavanja-čipovanja, vakcinacije pasa protiv bjesnila, tretmana protiv parazita i izdavanja službenih isprava/dokumentacije, plaća se naknada u skladu sa Zakonom o veterinarstvu u Federaciji BiH ("Službene novine Federacije BiH", broj 43/13) i Cjenovnikom

veterinarskih usluga na teritoriji Federacije BiH ("Službene novine Federacije BiH" broj 43/13).

Troškove naknade za veterinarsko-zdravstveni nadzor (pregled), vakcinisanje i druge zdravstvene mjere provedene od strane veterinarske organizacije snosi imalac kućnog ljubimca.

Troškove naknade za usluge iz člana 23. stav 2. prema važećem cjenovniku usluga, plaća imalac kućnog ljubimca.

Kontrolu nad sprovođenjem ovih mjera vrši stručni organ veterinarske službe Općine Centar.

Postupanje s opasnim psima

Član 24.

Pri sumnji da se radi o opasnom psu, ovlašteno lice je dužno zatražiti na uvid od imaoca potvrdu kojom se potvrđuje da su nad psom provede sve mjere propisane Pravilnikom o opasnim psima.

Ukoliko imalac ne pokaže potrebnu dokumentaciju, ovlašteno lice sastavlja službeni zapisnik, te obavještava nadležnu veterinarsku inspekciju za daljnje postupanje.

Način kontrole razmnožavanja kućnih ljubimaca

Član 25.

Zabranjen je uzgoj kućnih ljubimaca, osim ukoliko je uzgoj prijavljen pri nadležnom ministarstvu i uzgajivač posjeduje rješenje nadležnog tijela.

Uzgoji kućnih ljubimaca namjenjenih prodaji moraju ispuniti posebne uslove propisane posebnim propisima.

Član 26.

Imalac je dužan držati pod kontrolom razmnožavanje kućnih ljubimaca i spriječiti svako neregistrirano razmnožavanje. Vlasnik kućnog ljubimca je odgovoran za sve potomke svojih životinja.

Imalac kućnog ljubimca je dužan prijaviti nadležnoj veterinarskoj organizaciji uginuće kućnog ljubimca te utvrditi uzrok uginuća.

Imalac životinje je dužan nakon utvrđivanja uzroka uginuća leš životinje, uz prilog potvrde o uzroku uginuća, predati higijeničarskoj službi na neškodljivo uklanjanje.

Član 27.

Kontrola razmnožavanja pasa i mačaka provodi se preventivnim djelovanjem:

- trajnom sterilizacijom,
- kontrolom kretanja u vrijeme tjeranja ženki,
- upotrebom veterinarskih sredstava.

Ove poslove obavlja stručno lice iz nadležne veterinarske organizacije.

DIO ČETVRTI

NAČIN POSTUPANJA S IZGUBLJENIM I NAPUŠTENIM ŽIVOTINJAMA

Član 28.

Lice koje nade napuštenu ili izgubljenu životinju dužno je o tome odmah obavijestiti najbližu veterinarsku organizaciju, higijenski servis ili sklonište za životinje.

Sklonište osniva fizičko ili pravno lice, jedinica lokalne samouprave, opština, grad, kanton ili entitet.

Djelatnost skloništa može se obavljati na osnovu dozvole za osnivanje i rad, koju izdaje mjerodavno upravno tijelo općine na čijem području se formira sklonište.

Prostori, objekti u kojima se obavlja djelatnost iz stava 1. ovog člana, moraju ispunjavati propisane uslove Pravilnikom o osnivanju i uslovima koje moraju ispunjavati higijenski servisi.

Mjerodavno upravno tijelo općine na čijem području se formira sklonište, službeno dostavlja dozvolu o osnivanju i radu skloništa nadležnoj kantonalnoj veterinarskoj inspekciji radi uspostave službenih kontrola.

Imalac kućnog ljubimca dužan je u odmah nakon gubitka kućnog ljubimca prijaviti njegov nestanak nadležnoj

veterinarskoj organizaciji, higijenskom servisu i skloništu za životinje.

Ukoliko se vlasnik ili imalac kućnog ljubimca ne dokaže vlasništvo i podnese zahtjev za vraćanje istog u roku od najviše 8 dana od dana nestanka ili gubitka, sklonište postaje vlasnik životinje te je može udomiti.

Imalac izgubljene životinje dužan je nadoknaditi sve troškove kao i svaku štetu koju počinji životinja od trenutka nestanka do trenutka vraćanja posjedniku.

Član 29.

Zabranjeno je napuštati kućne ljubimce. Ukoliko imalac kućnog ljubimca iz bilo kojih razloga dode u priliku da ne može brinuti o kućnom ljubimcu na propisan način, dužan je postupiti u skladu sa članom 13. ove Odluke.

Lica poremećenog mentalnog zdravlja, primaoci socijalne zaštite i skrbi, tude njege, kao i lica pod uticajem češćeg i prevelikog uživanja alkohola, konzumacije opojnih droga i drugih omamljujućih sredstava te lica koja su ponavljači u kršenju odredbi ove Odluke, i propisa iz oblasti veterinarstva, zaštite zdravlja i dobrobiti životinja, smatraju se licima koja nisu sposobna i u mogućnosti voditi propisnu brigu o kućnim ljubimcima i dužni su postupiti u skladu sa članom 13. ove Odluke.

Član 30.

Hvatanje, prevoz, zbrinjavanje i smještaj napuštenih i izgubljenih životinja kao i pasa i mačaka lutilica obavlja higijenski servis, koga u skladu sa Zakonom osniva osniva fizičko ili pravno lice, jedinica lokalne samouprave, opština, grad, kanton ili entitet.

Djelatnost higijenskog servisa može se obavljati na osnovu dozvole za osnivanje i rad, koju izdaje mjerodavno upravno tijelo općine na čijem području se formira higijenski servis.

Prostori, objekti u kojima se obavlja djelatnost iz stava 1. ovog člana, moraju ispunjavati propisane uslove Pravilnikom o osnivanju i uslovima koje moraju ispunjavati higijenski servisi.

Prostori, objekti iz stava 3. ovog člana mogu biti smješteni unutar skloništa za životinje.

Mjerodavno upravno tijelo općine na čijem području se formira higijenski servis, službeno dostavlja dozvolu o osnivanju i radu higijenskog servisa nadležnoj kantonalnoj veterinarskoj inspekciji radi uspostave službenih kontrola.

Član 31.

U sklonište za životinje se, privremeno i na duži period, smještaju pronađene životinje na daljnju brigu i moguće udomljavanje:

- izgubljene životinje do vraćanja vlasniku,
- napuštene životinje kojim se ne može utvrditi vlasnik, kao i psi i mačke lutilice,
- životinje kojim imalac ne može osigurati uslove držanja u skladu sa propisima i na neograničeno vrijeme.

Imalac životinje ima pravo u roku od 8 (osam) dana od dana smještaja, zahtijevati povrat životinje, u protivnom životinja se može dodijeliti drugom zainteresiranom licu.

Član 32.

Troškove hvatanja, prijevoza, zbrinjavanja i smještaja napuštenih i izgubljenih životinja i troškove drugih mjera, snosi imalac životinje, a ako se isti ne utvrdi, troškovi se obezbjeđuju iz budžetskih sredstava općine kao i za pse i mačke lutilice. Naknadnim utvrđivanjem vlasnika napuštene/izgubljene životinje troškove snosi vlasnik.

Higijenski servisi i skloništa finansiraju se iz budžetskih sredstava i drugih vidova finansiranja (donacije, pokloni itd.).

Ukoliko higijenski servisi i skloništa nisu osnovani od mjerodavnog upravnog tijela općine, usluge higijenskog servisa i skloništa osnovanog od fizičkog ili pravnog lica, finansiraju se na osnovu potpisanog ugovora.

DIO PETI

ZAŠTITA ŽIVOTINJA

Poticanje zaštite životinja

Član 33.

Općina Centar Sarajevo će prema obavezi utvrđenoj Zakonom o zaštiti i dobrobiti životinja poticati razvoj svijesti svojih sugrađana, posebno mladih, o brizi i zaštiti životinja.

Obaveza pružanja pomoći životinji

Član 34.

Svako ko ozlijedi ili primijeti ozlijeđenu ili bolesnu životinju mora joj pružiti potrebnu pomoć, a ako to nije u mogućnosti sam učiniti, mora joj osigurati pružanje pomoći.

Ako nije moguće utvrditi ko je imalac životinje, pružanje potrebne pomoći ozlijeđenim i bolesnim životinjama zatečenim na području općine, vršiće veterinarska stanica.

Ako se utvrdi vlasnik ozlijeđene ili bolesne životinje, troškove snosi vlasnik.

DIO ŠESTI

NADZOR

Član 35.

Nadzor nad ovom odlukom provode nadležni organi, svako iz svoga djelokruga rada; komunalni redar i komunalni inspektor općine Centar Sarajevo, u saradnji sa komunalnim inspektorom Kantona Sarajevo, veterinarska inspekcija Kantona Sarajevo, organ nadležan za poslove upravljanja i održavanja zajedničkih dijelova zgrada kao i pripadnici MUP-a Kantona Sarajevo, II Policijska uprava Centar (Ovlaštena lica).

Ovlaštena lica postupaju po službenoj dužnosti kada uoče postupanje protivno Odluci, te prema prijavi fizičkih ili pravnih osoba.

Komunalni redar i komunalni inspektor općine Centar u saradnji sa Kantonalnim komunalnim inspektorom vrše nadzor, svako iz svoje nadležnosti nad provođenjem odredbi iz člana 3. tačka 5, člana 11, člana 15, 16, 17, 18 i 19, te članova 27, 35, i 37 ove Odluke.

Općinski komunalni inspektor će kada ustanovi kršenje odredaba ove Odluke pokrenuti prekršajni postupak protiv okrivljenog, podnošenjem zahtjeva za pokretanje prekršajnog postupka nadležnom sudu, u skladu sa Zakonom o prekršajima Federacije Bosne i Hercegovine ("Službene novine Federacije BiH", broj 31/06).

Organ nadležan za poslove upravljanja i održavanja zajedničkih dijelova stambenih zgrada (upravitelj i predstavnik etažnih vlasnika stanova) vrši nadzor nad provođenjem odredbi člana 5, 6, 7, 8 i 9 ove Odluke i o istom obavještava nadležnog komunalnog, sanitarnog i veterinarskog inspektora kao i nadležnu policijsku stanicu.

Kantonalni veterinarski inspektor u saradnji sa stručnim organom veterinarske službe Općine Centar vrši nadzor i poduzima mjere u skladu sa ovlaštenjima i dužnostima prema Zakonu o veterinarstvu Bosne i Hercegovine, Zakonu o veterinarstvu Federacije Bosne i Hercegovine i Zakonu o zaštiti dobrobiti životinja i drugim propisima iz nadležnosti iste inspekcije.

Ako se u vršenju inspekcijanskog nadzora onemogućiti nadležnom inspektoru obavljanje pregleda pružanjem fizičkog otpora ili ako se takav otpor osnovano očekuje, inspektor može tražiti pomoć - asistenciju nadležnog policijskog organa.

Pripadnici MUP-a Kantona Sarajevo, II Policijska uprava Centar Sarajevo, u skladu sa svojim ovlaštenjima i nadležnostima propisanim Zakonom o prekršajima protiv javnog reda i mira ("Službene novine Kantona Sarajevo", broj 18/07 i 7/08), vrši nadzor nad provođenjem odredbi člana 3. tačka 12, 13 i 17, člana 10, 12, 20, 25, 26, 27, 28 i 29. ove Odluke.

DIO SEDMI

NOVČANE KAZNE

Član 36.

Novčanom kaznom od 200 KM kaznit će se za prekršaj fizičko lice ako postupi protivno ili se ne pridržava odredbi člana 5. i 10. ove Odluke, odnosno ako se ugrožava kućni javni red i mir držanjem životinje.

Novčanom kaznom od 300 do 500 KM kazniće se za prekršaj fizičko lice ako postupi protivno ili se ne pridržava odredbi člana 8. i 9, člana 12. stav 1 i 2,

1. nije osigurao kućnom ljubimcu držanje u skladu s njihovim potrebama, a minimalno predviđenim Zakonom o zaštiti i dobrobiti životinja i Odlukom općine Centar (član 3.)
2. psu nije osigurao prostor koji odgovara njihovoj veličini te ga nije zaštitio od vremenskih neprilika i drugih nepovoljnih uvjeta obitavanja (član 3.)
3. psu nije osigurao pseću kućicu ili odgovarajuću nastambu (član 3.)
4. nije onemogućio bijeg i kretanje pasa po javnim površinama bez nadzora (član 3.)
5. nije na vidljivom mjestu staviti oznaku koja upozorava na psa te ne posjeduje ispravno zvono na ulaznim dvorišnim ili vrtnim vratima (član 3.)
6. nije osigurao kućnom ljubimcu redovitu i pravilnu ishranu te trajno omogućio pristup svježoj pitkoj vodi (član 3.)
7. redovito ne čisti i ne održava urednim prostor u kojem boravi kućni ljubimac (član 3.)
8. ističava kućnog ljubimca vezanjem za motorno prijevozno sredstvo koje je u pokretu
9. trajno drži kućnih ljubimaca na adresi različitoj od prebivališta ili boravišta posjednika, osim u slučaju kada se radi o radnim psima koji čuvaju neki objekt ili imovinu. Posjednik će se kazniti ukoliko psu ne osigura svakodnevni nadzor (član 3.)
10. imalac nije odgovarajućim odgojem i/ili školovanjem ili drugim mjerama osigurao da pas u odnosu na držanje i kretanje nije opasan za okolinu (član 4.)
11. imalac kućnog ljubimca ne drži na način da ne ometa mir sustanara ili na drugi način krši dogovoreni kućni red stambene zgrade i stanara okolnih nekretnina (član 5.)
12. posjednik koji psa drži u stanu ili kući bez okućnice, ne izvodi svakodnevno van radi obavljanja nužde i zadovoljenja ostalih dnevnih fizičkih aktivnosti (član 3.)
13. psa izvodi na javne površine gdje je to ovom odlukom nije dopušteno te ukoliko pas nije označen mikročipom, na povodcu i pod nadzorom posjednika (član 14.)
14. dozvoli da se kućni ljubimac kreće slobodno ili na povodcu na dječjim igralištima, cvjetnjacima, neograđenim sportskim terenima, neograđenim dvorištima škola i vrtića te na drugim mjestima gdje postoji opasnost ugrožavanja zdravstveno-higijenske sigurnosti i zdravlja ljudi bez dopuštenja vlasnika i dozvole korisnika prostora (član 20.)
15. omogućiti kućnom ljubimcu da samostalno šeće javnim površinama bez njegove prisutnosti i nadzora (član 18.)
16. pri izvođenju kućnog ljubimca na javnu površinu ne nosi pribor za čišćenje i ne očisti javnu površinu koju njegov kućni ljubimac onečisti (član 15.)
17. vlasnik opasnog psa ne drži u zatvorenom prostoru iz kojeg ne može pobjeći, a vrata u prostor u kojem se nalazi takav pas nisu zaključana (član 3.)
18. izvodi opasnog psa na javne površine bez brnjice i na povodca (član 16.)
19. ne drži pod kontrolom razmnožavanje kućnih ljubimaca i ne spriječi svako neregistrirano razmnožavanje (član 30.)

DIO OSMI

PRIJELAZNE I ZAVRŠNE ODREDBE

Član 37.

Vlasnici ili imaoči kućnih ljubimaca, dužni su njihovo držanje uskladiti sa odredbama ove Odluke u roku od 60 dana od dana stupanja na snagu ove Odluke.

Član 38.

Ova Odluka stupa na snagu narednog dana od dana objave na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 01-49-1895/18
25. oktobra 2018. godine
Sarajevo

Predsjedavajuća
Općinskog vijeća
Karolina Karačić, s. r.

Ova odluka je objavljena na oglasnoj ploči Općine Centar dana 31.10.2018. godine.

Na osnovu čl. 10. i 20. Statuta Općine Centar Sarajevo-Prečišćeni tekst ("Službene novine Kantona Sarajevo", broj 23/04) i čl. 130. i 132. Poslovnika Općinskog vijeća Centar Sarajevo - Prečišćen tekst ("Službene novine Kantona Sarajevo", br. 23/04, 11/13 i 13/17), Općinsko vijeće Centar Sarajevo je, na 29. redovnoj sjednici održanoj dana 25.10.2018. godine, donijelo

ODLUKU

O RAZRJEŠENJU ČLANA KOMISIJE ZA PITANJA
MLADIH

Član 1.

Beglerović Adnan, razrješava se dužnosti člana Komisije za pitanja mladih.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 01-49-1900/18
25. oktobra 2018. godine
Sarajevo

Predsjedavajuća
Općinskog vijeća
Karolina Karačić, s. r.

Ova Odluka je objavljena na oglasnoj ploči Općine Centar dana 31.10.2018. godine.

Na osnovu čl. 10. i 20. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04) i čl. 130. i 132. Poslovnika Općinskog vijeća Centar Sarajevo - Prečišćen tekst ("Službene novine Kantona Sarajevo", br. 23/04, 11/13 i 13/17), Općinsko vijeće Centar Sarajevo je, na 25. redovnoj sjednici održanoj dana 25.10.2018. godine, donijelo

ODLUKU

O IZBORU ČLANA KOMISIJE ZA PITANJA MLADIH

Član 1.

Herić Tarik, izabran je za člana Komisije za pitanja mladih.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 01-49-1899/18
25. oktobra 2018. godine
Sarajevo

Predsjedavajuća
Općinskog vijeća
Karolina Karačić, s. r.

Ova odluka je objavljena na oglasnoj ploči Općine Centar dana 31.10.2018. godine.

Na osnovu čl. 10. i 20. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04) i čl. 130. i 132. Poslovnika Općinskog vijeća Centar Sarajevo - Prečišćen tekst ("Službene novine Kantona Sarajevo", br. 23/04, 11/13 i 13/17), Općinsko vijeće Centar Sarajevo je, na 29. redovnoj sjednici održanoj dana 25.10.2018. godine, donijelo

ODLUKU

O RAZRJEŠENJU ČLANA KOMISIJE ZA
ENERGETSKU EFIKASNOST

Član 1.

Čorbo Suzana, razrješava se dužnosti člana Komisije za energetska efikasnost.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 01-49-1912/18
25. oktobra 2018. godine
Sarajevo

Predsjedavajuća
Općinskog vijeća
Karolina Karačić, s. r.

Ova odluka je objavljena na oglasnoj ploči Općine Centar dana 31.10.2018. godine.

Na osnovu čl. 10. i 20. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04) i čl. 130. i 132. Poslovnika Općinskog vijeća Centar Sarajevo - Prečišćen tekst ("Službene novine Kantona Sarajevo", br. 23/04, 11/13 i 13/17), Općinsko vijeće Centar Sarajevo je, na 29. redovnoj sjednici održanoj dana 25.10.2018. godine, donijelo

ODLUKU

O IZBORU ČLANICE KOMISIJE ZA ENERGETSKU
EFIKASNOST

Član 1.

Hujić Mevlida, izabrana je za članicu Komisije za energetska efikasnost.

Član 2.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 01-49-1898/18
25. oktobra 2018. godine
Sarajevo

Predsjedavajuća
Općinskog vijeća
Karolina Karačić, s. r.

Ova odluka je objavljena na oglasnoj ploči Općine Centar dana 31.10.2018. godine.

Na osnovu člana 13. stav 2. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09), čl. 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04) i čl. 6. i 17. Odluke o dodjeli u zakup poslovnih zgrada i prostorija Općine Centar Sarajevo ("Službene novine Kantona Sarajevo", broj 49/17 i 21/18), Općinsko vijeće Centar Sarajevo je, na 29. redovnoj sjednici, održanoj dana 25.10.2018. godine, donijelo

ODLUKU

O DODJELI U ZAKUP POSLOVNIH PROSTORIJA
OPĆINE CENTAR SARAJEVO U ULICI ĆEMALUŠA 1

Član 1.

Neposrednom pogodbom po osnovu prava prvenstva, dodjeljuju se u zakup na 2 (dvije) godine poslovne prostorije u ulici Ćemaluša 1, površine 45 m² Udruženju "Aeroklub Sarajevo" iz Sarajeva za obavljanje djelatnosti iz oblasti obrazovanja, sa iznosom zakupnine od 5,00 KM/m².

Član 2.

Korisniku iz člana 1. Odluke poslovne prostorije se dodjeljuju u zakup pod uslovom obezbjeđenja bankarske garancije na iznos od 50% ukupnog iznosa zakupnine za period na koji je ugovor zaključen ili 10 bjanko potpisanih, ovjerenih,